

No Apay a Kayat Dagiti Agkukutel ti Umimbag

Namin-adu a nadakamat iti Biblia ti kukutel. (2 Ar-ari 5:1; Lucas 5:12-14) Ania dayta? Apay a desperado la unay dagiti agkukutel idi nga umimbag?

Ammuenyo a sangapamiliaan ti ad-adu pay maipapan iti sakit nga awagan ti Biblia a kukutel. Mabalinyo met a pagreperensiaan ti *Pannakatarus iti Kasuratan* (magun-odan met iti adu a lengguahe iti jw.org/ilo iti PUBLIKASION > ONLINE A LIBRARIA) wenno ti dadduma pay a publikasion a magun-odanyo.

Adda seremonia a masapul nga aramiden dagiti immimbagen nga agkukutel nga Israelita sakbay a makapagsublida iti normal a panagbiagda. Basaenyo ti Levitico 14:2, 4, 8, 10, 20, sayo numeruan dagiti ladawan iti baba sigun iti panagsasaganad ti masapul nga aramiden ti immimbagen nga agkukutel ken ti padi.



- ▶ **PADASENYO DAYTOY:** Basaenyo ti Lucas 5:12-15 ket ammukenyo no kasano nga impakita ni Jesus a maseknan kadagiti agkukutel a nasabatna. Kalpasanna, ilistayo dagiti am-ammoyo nga addaan iti grabe a sakit. Pagsasaritaanyo no kasanoyo a matulad ni Jesus ken maipakita ti kinaasi kadakuada.

Dagiti sunbat: 1. Ti immimbagen nga agkukutel ket dumatang iti padi. 2. Mangitugot ti agkukutel iti dua a tumatayab. 3. Labaan ti agkukutel dagiti kawesna. 4. Ti agkukutel ket mangitugot iti dua a kalakian a kamero ken mayasa a kordero. 5. Agidaton ti padi.